

天一閣藏明代方志選刊

彰德府志

彰德府志目錄

崔銑輯



卷之一

地理志第一之一

卷之二

地理志第一之二

卷之三

建置志第一

彰德府志卷之目錄

一

卷之四

田賦志第三

祠祀志第四

卷之五

官師志第五

卷之六

人物志第六

卷之七

選舉志第七

卷之八

鄴都宮室志第八

雜志第九

叙曰正德己卯太保湯陰李公於中秘得宋相
臺志十二卷元續志十卷郡守陳公萬言令所
部各以其志送官是歲冬以予輯而正之明年
春銑遭先母淑人憂又兩閱歲既禫祔矣始啓
彰德府志卷之目錄 三

書讀之宋志事略具而文義無鄙元以下止觀
焉乃別為例作九志凡八卷其事兼采諸史其
文則刪潤者過半矣夫志者郡史也備物垂軌
不軌不物眩觀惑鄉雖文奚用哉故地理稽實
而黜附會建置遵制而明則田賦以恤隱祠祀
以正典官師均列而信教人物選舉上行而下
秩宮室刺奢雜志輔化崇正義而黜異端損浮
冗而要簡確然後府事稍可誦覽斯竊取諸君

子之志焉銑也才淺能薄意長力短况府居衝
衢海內兵作先被余棘今土著之家十不存一
舊典湮滅後學寡聞循長鄉哲靡由殫述舊志
涉誤近說者並以義刪之不能登載孔子曰多
聞闕疑慎言其餘夫述不師聖其胡用訓罪我
者其以是夫嘉靖改元歲後渠桂銑書



彰德府志

卷之目錄

三

彰德府志目錄

彰德府志卷之一

地理志第一之一



彰德府禹貢冀州之城書序曰河亶甲居相府今

城外西北有開元寺寺後有亶甲冢冢在洹水

南岸有故城曰畿城一曰亶甲城周回四十步

高一丈五尺又有地曰商亭城冢記曰亶甲所

居夫湯始居亳仲丁遷囂亶甲自囂徙居相祖

乙居耿盤庚歸治亳九五遷商之諸王以十日

互為帝號惟亶甲加河者漢書地理志魏郡有

大河有澄有汙今府東永和及鄴臨漳之春秋

間尚多卑下必水圯其都祖乙乃遷取爾春秋

時屬晉陽左氏傳曰齊侯伐晉取朝歌入孟門

彰德府志卷之一

登太行趙勝帥東陽之師以追之此地即東陽

也晉山東朝陽戰國時屬魏史記魏文侯出征

故曰東陽後屬趙史記廉頗攻秦併天下為邯鄲上黨地

漢高祖始分置魏郡治鄴後漢末冀州理之韓

馥為州牧袁紹藉馥起兵建安九年曹操攻袁

氏拔鄴因其富強遂居之以為根本天下方亂

百姓皆奔鄴因曹氏之強以小安戶口視天下

最號難治十七年獻帝以十五縣益魏郡封操

為魏公操分為東西部擇強守令治之曹丕篡
立黃初二年以東部為平陽郡西部為廣平郡
廣平陽平平魏謂之三魏晉曰魏郡理於鄴後
趙石虎魏冉閔前燕慕容皝皆建都符堅平燕
以王猛為冀州牧而鄴隸焉後魏天興元年克
鄴城道武幸鄴訪立州名尚書崔光對曰昔河
曹甲居相聖皇天命所相宜曰相州道武從之
改曰相州文帝太和十八年欲遷都洛陽經鄴
彰德府志卷之一

二

登銅雀臺御史大夫崔光等曰鄴平原千里運
漕四通有西門史起舊迹可以饒富在德不在
險請帝都之孝文曰君知其一未知其二鄴非
父居之地石虎傾於前慕容滅於後國富主奢
暴成速敗且西有枉人山東有列人縣北有柏
人城君子不飲盜泉惡其名也遂止東魏孝靖
帝遷鄴改築南城以相州刺史為司州牧魏郡
太守為魏尹北齊高洋篡立改魏尹為清都尹

周滅齊復改相州大冢二年兼置魏郡自故鄴徙州於安陽即今治所也隋初廢魏郡煬帝初廢州復置魏郡理安陽唐武德初復改相州天寶元年改鄴郡至德後中原用兵刺史皆理軍戎始有節度之號乾元元年復改相州梁貞明元年建昭德軍節度以軍亂地歸後唐莊宗入魏為屬郡屬魏州晉天福二年復陞彰德軍節度宋復為相州金陞彰德府為其地重物繁特彰德府志

卷之一

三

以親王駙馬為節度使元改彰德路長曰達魯花赤如古監郡以國中勲舊重臣充之 大明改彰德府廣二百四十里袤二百十里東內黃南濟西壺關北邯鄲府隸河南布政使司置彰德衛守焉領州一縣六城圍九里一百十二步高二丈五尺闊二丈外磚內土四門東永和南鎮遠西大定北拱辰壕闊十丈水深者二丈淺者八九尺宋志云後魏天興元年築宋景德三

年增築圍十九里今裁得其半云

安陽縣

附郭

自秦至隋四遷秦故城在州東南四

十三里近內黃縣本殷墟及邙鄘衛之地曹甲

祖乙紂之王畿也戰國時為魏寧新中邑秦昭

王使白起破趙兵於長平分其軍為三命王齕

將而伐趙邯鄲是歲冬秦別將張唐攻魏拔鄭

王齕攻邯鄲不拔引兵從唐拔寧新中改名安

陽變寧為安義相近矣水北山南曰陽其以在

彰德府志

卷之一

四

淇北故邯史記秦二世三年使將章邯王離圍

趙鉅鹿楚懷王以宋義為上將項羽為次將北

救趙義至安陽留不進羽殺義引兵渡河與秦

軍遇九戰大破之虜王離率諸侯兵再與章邯

戰漳南又擊之汙水上

汙水在鄴西

遂聽邯等降與

邯盟於洹水南殷墟

今故城間有霸王店殷墟傳云即羽與邯盟處

在故安陽邑也

漢書注曰洹水在安陽縣北去朝歌殷都一百五十里此殷墟

非朝歌也漢初廢入滂陰屬河內郡晉始於今縣西

南置安陽縣後魏孝靜帝遷都鄴城廢以隸鄴

周大象二年破尉遲迥焚徹鄴宮室乃徙鄴縣

於安陽更安陽曰鄴鄴曰靈芝縣即晉安陽縣地隋開

皇十年鄴與安陽各復名復徙縣於洹水南晉在

舊城東北廢城今各埋圯大業十年移城內九不言

無所廢大明因之東內黃南湯陰西林北磁

廣一百五十里袤七十里戶一萬一千九百三

十四口十萬六百九十六凡八十四里

彰德府志卷之一 五

湯陰縣古姜里也在七國時為魏湯音陰邑史記

秦伐趙圍邯鄲魏晉鄆救趙不敢進屯於湯陰漢置湯陰縣屬河內郡

晉屬魏郡後魏省隋開皇六年復置於今縣東

十七里十年併入安陽縣十六年再置於今縣

西南三十里改曰蕩源大業二年省唐武德四

年復置屬魏州入古蕩陰城即今治也六年改

屬相州貞觀元年改曰湯陰宋宣和初改屬濬

州後仍舊屬金屬彰德府大明因之北達於

府四十五里東開南淇西林北安陽廣一百五十里袤四十里城圍六里二百四十步六門戶九千七百三十二口五萬四千七百二十一凡四十三里

臨漳縣即鄴地也晉建興二年以愍帝諱改曰臨漳縣東魏置鄴縣於鄴城中特置臨漳縣周武帝平齊建德六年自鄴城移臨漳治於城東二十里屬魏郡隋開皇三年改隸相州十年分彰德府志卷之一

一六

縣地置長樂縣大業十年始築城宋省鄴縣入焉大明屬本府洪武十八年漳水墊民居奏移治於東北十八里理王村西南達於府九十里東魏西磁南安陽北城安廣七十五里袤五十五里城圍四里高一丈七尺闊一丈有奇四門戶五千六百五十九口四萬六千六百三十六凡三十九里

林縣前漢地理志曰隆慮隸河內郡應劭曰有

隆慮山在北後漢避殤帝諱更曰林慮

師古曰慮音慮

未獲田魏隸朝歌晉隸汲郡後魏太武真君六年

省入鄴縣文帝太和二十一年復置永安元年

改置林慮郡齊天保七年郡廢後周平齊復之

隋開皇三年郡再廢十八年改置嚴州大業二

年州廢

九州郡之廢皆復為縣也

唐武德二年再復五年又

廢今隸相州自觀十二年徙於今治所金陞為

林州 大明洪武二年降為縣屬本府東達於

彰德府志

卷之一

七

府百二十里東安陽南輝西壺關北涉廣九十

里袤一百八十里城圍二里二十步高一丈八

尺四門戶五千五百二十口二萬九千五百二

十九二十五里

磁州

磁武安涉春秋晉地也後三家分晉歸於

趙秦滅趙屬邯鄲郡漢為魏郡武安縣魏晉俱

隸廣平郡後魏析武安縣地置臨水縣屬相州

東魏尹北齊屬清都郡開皇十年郡廢仍屬相

州以地產磁石始曰磁州以滏陽縣附郭大業
初廢滏陽復屬魏郡唐武德元年復為州六年
省臨水入滏陽貞觀元年廢州令屬相州永泰
元年復置磁州以臨水地改置昭義縣天祐三
年以磁茲音相近改曰惠州後復曰磁五代梁
屬昭德軍節度晉屬彰德軍節度宋改為郡曰
滏陽金復曰磁州省昭義入滏陽元陞為滏原
軍節度屬廣平路後復為磁州 大明洪武元
彰德府志卷之一 八

年改屬彰德府廢滏陽縣南達於府七十里東
成安南安陽西涉北邯鄲廣一百七十里袤一
百里城圍八里二十六步高二丈惟有南北門
戶五千六百八十六口五萬二百二十四戶四
十一里領縣二置磁州守禦千戶所守焉所隸
山西潞州衛

武安縣武安為縣自西漢始屬魏郡魏屬廣平
郡後魏仍屬魏郡隋開皇十年析其地置陽邑

縣大業中復省陽邑入武安屬廣平郡唐初屬
洺州永泰元年改屬磁州宋屬隆陽郡元省入
邯鄲縣屬廣平尋復舊 大明改屬磁州東南
達於府一百九十里東邯鄲南磁西涉北沙河
廣一百十里袤一百八十里城圍三里三百七
十步高一丈八尺唯有西北門戶五千四百六
十六口四萬五千五十九三十四里

涉縣古沙侯國也漢置漢縣後漳水入縣東入
彰德府志卷之一 九

民徙涉更曰涉屬魏郡魏晉屬廣平郡後魏天
賜元年併入臨水縣後周移臨水縣治涉城隋
開黃三年復於涉城置涉縣屬韓州唐貞觀十
七年州廢改屬山西潞州金陞為崇州元罷州
復置縣屬真定路 大明改屬磁州東南達於
府二百七十里東磁南林西黎城北武安廣二
百三十里袤一百四十里城圍四里高一丈五
尺唯有南北門戶四千五百九十一口一萬二

千一百三十九八里

安陽

韓陵山在縣東北十七里父老云漢韓信

嘗屯兵焉故號韓陵或曰有家曰韓陵故名山

也北史曰晉泰二年高歡起義兵誅爾朱世隆等並泰三年拔鄴爾朱天光姚度斛律仲達等退走韓陵歡大破姚度兄弟於山下斛斯椿擒天光度斛律仲達於河橋賈顯智執世隆於京師歡克捷於韓陵乃立定國寺旌功有溫子昇彰德府志卷之一

十

碑昔晉文尊周績宣於踐土齊桓伯世威著於石邵陵並道冠諸侯勲高天下衣裳會同之所兵車交合之處寂寞消沉荒涼磨滅言談者空知其名遭遇者不識其地然則樹銅表豈刊石紀功有道存焉可不尚歟永安之季數鍾百六天災流行人倫交喪余朱氏既絕彼天網斷茲地紐祿去王室政出私門銅馬號馳金虎亂噬九嬰暴起十日並出破壁殞珪人物既盡頭會箕歟行軸其空大丞相渤海王命世作宰唯業成務標格千仞崖岸萬里運鼎阿於襟抱納山岳於宵懷擁玄雲以上騰員青天而高引鍾鼓曾贊上聞於天旌旗繽紛下盤於地壯士縶以爭先義夫憤而競起兵接刃於斯場車錯轂於此地轟轟隱隱若轉石之墜高崖琅琅礚礚如激水之投深谷俄而霧卷雲除冰離巢散靡旗蔽日亂轍滿野楚師之敗於拓舉新兵之退自昆

陽以此方之未可同日既考茲次壞建此精虛
砥石勵金瑩珠琢玉經始等於佛功制作同於
造化息心是歸淨行似處神異畢臻靈仙摠萃
鳴玉鑾以來遊帶霓裳而至止翔鳳紛以相歡
飛龍宛而俱躍雖復高天銷於猛炭大地陳尚
淪於積水固以傳之不朽終亦記此無忘陳尚
書徐陵嘗使北至鄴過韓陵山讀其碑心愛其
才麗手自錄之既南歸陳士人問陵北朝人物
何如曰唯韓陵片石耳龍山在縣西四十里周
回十里高五里左太冲魏都賦云蒼蒼交谷虎
澗龍山山東南有村曰善應洹水淤流出焉元
彰德府志卷之一 十一

問詩平岡回合盡桑麻百汲清泉兩岸花更得
青山作重複武陵何處覓仙家元劉驥善應山
水記相在河朔為大郡洹水於相為佳境且四
方士夫過是邦者必窮探編覽况親牧者乎丁
卯秋九月既望時天高氣清川空野豁百工將
休萬寶皆成寔農之際也總管王公乃與叅佐
數騎出郭門西行一舍許岡勢稍坡陀又六七
里迤邐路轉而下小川忽平展中有一谿洹水
也其流深碧可愛尋見居民夾岸廬舍相望蔬
畦竹塢上下基布宛然如圖畫昔遺山嘗謂絕
似玉溪此語誠不妄停午少憩於長春觀少焉
渡水沿岸而西又行二三里樹木漸幽深兩山
回抱潏然一泉騰沸出於其下水聲浩浩足以
洗塵慮而清襟靈遂置酒泉上但見鳥飛魚躍
巖姿州景一時會於目前想亦造物之有為也
公喜甚乃舉觴顧謂門客北燕劉驥曰子盡記

之愚謂茲洄混混晝夜不息雖久旱而不涸折
流而東遠近溉田千有餘頃民所賴者多矣非
神尸之能如是乎自公莅政歲豐人足寶山在
以其神陰相之可紀以傳不朽象晉曰然寶山在
龍山西南十餘里山產白石陶人取以為器至
今不窮山有八峯峯下有泉古曰白石谷山西
北有山曰清涼曰馬鞍高出諸山甚絕而舊志
不載清涼元曹景清涼山詩幾年浪迹嗟萍梗
跋涉風沙亦何幸丁今未了看山緣
聞說清涼在清境四山回抱開翠屏中有招提
曰修定主人載酒邀我遊石逕崎嶇度重嶺羸
膝垂耳鞭不前挽葛攀藤歷參井白雲崦靄無
處尋路轉峯迴意方省亭亭孤塔認高標滿谷

彰德府志卷之一

十二

松杉密相映半天金碧照雙眸人道經營自師
猛豁然到此脫羈囚塵夢悠悠一朝醒雄樓突
出倚晴空萬壑風嵐歸引領逸興翩翩不可收
擬著新詩狀烟景寺僧亦愛詩人清自汲山泉
潑松茗呼童洗盞開芳樽况有嘉肴薦春餅酒
酣大笑發高歌舞袖婆娑亂雲影一時文彩重
劉曹千古高情慕箕顓惜無指日魯陽戈勝地
可能留少頃據鞍歸去復徘徊野烟漠漠平林
暝馬鞍舊志附林縣銅山在縣西北四十里山
舊產銅舊志在縣西北七十里高望山在縣西
北八十里蒙賚山在縣西南二十五里後魏孝
文帝南遷洛陽於山下頒賚從臣艾山在艾口

去縣七十里愁思岡在縣南十五里周回七里高二丈二尺魏文帝遷士庶人於洛陽登岡望鄴中莫不愁思隋文帝改曰崇義岡俗曰望喜岡岡上有防城周回五里六十步高一丈八尺史曰紂囚文王於羑里又城此以防之故又曰防城岡野馬岡在縣北三十三里故老云勢如馳馬或曰古嘗牧馬馬岡下冢壘壘皆王侯也岡東南有黃衣水入於鷓鴣陂清流澗經岡彰德府志卷之一

十三

北又過爛石山下

在故鄴縣西南五十里

折而東入於漳

齊清河二年於岡南頊城北虎澗東堰漳水為清河渠東流過西門祠入於鄴今廢虎澗俗曰虎澗在縣西三十里野馬岡下澗有小泉名黃花水東南流七里入於洹天禧鎮在縣西南四十里宋天禧中徙林慮北齊鎮於此因曰天禧東北十五里有小僧院曰三泉中有井泉冬夏常溫俛手可挹村民聚衆汲之日積千百人水